



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Johannis Strauchi[i] Jcti Amoenitatum Juris Canonici
Semestria duo**

Strauch, Johann

Jenae, 1675

Cap. II. Ad Cap. Rodulphus 35.

urn:nbn:de:hbz:466:1-10224

1. Laudunensis, *Laon*, Dux & Par Franciæ.
2. Catalaunensis, *Chalon*, Co-
mes & Par Franciæ.
3. Sveßionensis, *Sveffon*.
4. Morinensis. Hujus sedes
Teroana Morinorum Bo-
noniam est translata, ubi
- est navale, Veteribus Ges-
soriacus dictus.
5. Ambianensis, *Amiens*.
6. Noviomagensis, *Noion*,
Comes & Par Franciæ.
7. Sylvanectensis, *Senlis*.
8. Belovacensis, *Beauvais*,
Comes & Par Franciæ.

Abbas Cari- Sylvanectensi Episcopo jungitur Abbas Cariloci in hoc capitulo.
loci. Duas Abbatias continet Sylvanectensis Episcopatus; *Mariae de Victoria*, ordinis S. Augustini, & *Cariloci*, ordinis Cisterciensis, vulgo *Charly*. Hujus nominis quatuor esse in Gallia Abbatias vel Prioratus dicit Bosquetus. At Alteserra duas tantum ponit, unam, hanc nostram, alteram in Bisuntinâ dicœcesi, de quâ in vita Bernardi Clarevallenensis lib. 4. c. 4. Hoc loco inscriptio docet, intelligi Abbatiam dicœesis Sylvanectensis. Hujus Abbatis mentionem Alexander III. cap. cum dilecti. X. de Emt. & vend. eique re-scribit Innocentius III. cap. ex parte. 10. X. de temp. ordini. ubi forsitan nos plura.

*Ubi ejus
mentio.*

CAP. II.

Ad Cap. Rodulphus 35.

S U M M A R I A.

- | | |
|---|--|
| 1. <i>Priores, qui & quotuplices.</i> | 4. <i>Seculares.</i> |
| 2. <i>Claustrales.</i> | 5. <i>Sagienſis Episcopus. Sez in Normand.</i> |
| 3. <i>Conventuales.</i> | |

*Priores, qui
& quotupli-
ces.*

Claustrales.

*Conventua-
les.*

Priores dicuntur, qui super alias Ecclesiæ alicujus personas constituti sunt, horum alii claustrales, alii conventuales. Clem. 2. de Refcr. alii seculares. Claustrales sunt, qui præsunt Cœnobitis post Abbatem vel alium Antistitem, quorum funguntur potestate vicariâ intra monasterii claustra c. cum ad monasterium. X. de Stat. Monachor. Conventuales illi, qui principes cœnobio constituti sunt, quibus nullus Abbas vel alius dignior præest. Clement. 1. §. cæterum. de St. Monach. Hic Prioratus dignitas est, claustral is non item. gl. in Clement. 2. de Refcr. in verbo,

bo, conventualem, & Panorm. in c. nisi de præben. Seculares di- Seculares.
cuntur, qui habent beneficium Prioratus, quod solitum est regi
per clericos seculares. Vide P. Gregor. synt. 15. c. 18. Sagiensis Epi. Sagiensis
scopi meminit Ivo in Epistolis & concilium Aurelianense. Ejus Episcopus.
mentio quoque est in vita S. Ansiberti & S. Opportunæ. Seez in
Normandiâ hodie, teste Belleforestio. Eandem facit Vinetus in
Ausonium Sajorum civitatem.

C A P. III.

Ad cap. 37. De monitoriis, præceptorii
& exsecutoriis literis.

S U M M A R I A.

- | | |
|---------------------------------|----------------------------|
| 1. Monitoriae precedant exsecu- | 3. Præceptoriae. |
| torias. | 4. Exsecutoriae. |
| 2. Origo monitoriorum. | 5. Formula præceptoriarum. |
- M**Andat Pontifex, ut si nullæ monitoriae præcesserint, ex- *Monitoriae*
secutoriis supersedeatur. Harum literarum origo & *precedant*
progressus hic fuit. Ab initio, ne collatores ordinarii *exsecuto-*
gravius conquererentur de imminutis sibi suis juribus, *rias.*

Pontifices non statim & primis literis compellebant eos, ad con-
ferendum vacans vel proximè vacaturum beneficium: sed primo
monitorias scribebant, quibus mandabant ordinarios collatores, *Origo mo-*
ut beneficia conferrent, impetrantibus has literas, quibus si non *nitoriorum.*
obtemperabatur, inde præceptorias, quibus præcipiebant ordinarii *Præcepto-*
riis, ut conferrent beneficia, vel vacantia jam, vel propediem va- *ria.*
catura, quod si perseverarent, denique exsecutorias dabant, qui-
bus Exsecutorem delegabant, qui recipi faceret impetrantem & *Exsecuto-*
provideret de beneficio. Progressu temporis quia non obstanti- *riæ.*
bus prædictis formulis poterat adhuc beneficium ordinarius alte-
ri conferre, c. si soli ordinario. de concessi. præb. in 6. Non am-
plius tres literas per temporum intervalla, sed unas tantum dede-
runt, dato statim exsecutore, qui cessante ordinario collatore
conferret. Id agrè ferebant ordinarii collatores, nec desiterunt,
donec jure novo rescriptorum de providendo, maximè ad vaca-
tura